

5563.8  
2924  
v.4

雜著

74

臨齋集

卷四

七









臨齋先生文集卷之九

雜著

就正日錄

庚戌四月五日贊奎爲拜梅山洪先生自太學往鷺

梁八悅樂齋

門人肄業所

有數三髦士

韓運聖金正洙諸人

迎揖而

坐叙晤訖納刺請謁於先生有童子來致先生之命

曰間病癰難爲禮也冀幸勿咎童子仍導入蘆漪精

舍贊奎進拜先生先生舉袖答揖乃曰聞已小成年

歲幾何小成在何年對曰年今廿六而去丙午忝蓮

榜先生曰竅齡小成矣近業甚事見讀何書遠來相



訪勤意良感對曰生長遐鄉聞見固寡術業短疎所  
不如行尸走肉者幾希然猶有不泯底好懿之天今  
此之來蓋欲瞻依門屏熏被德美用遂聞可之願也  
先生莞爾而笑因親執一杯酒一條肴而使之飲曰  
若解飲勿以我一日之長而爲辭辭不獲避席小飲  
纔傾卽醺仍辭退出江上奉審六臣祠墓日具八西  
舍廊拜鰲谷洪丈一純先生胤子○夕侍坐先生曰四書熟  
讀而並閱近思錄否且須讀擊蒙要訣近思錄卽宋  
朝一經擊蒙要訣卽東方一經學者所宜先致心焉  
昔趙重峯先生旅夜遇一書生燈下寫出要訣一冊



授以勉讀焉蓋斯編之簡要親切爲耳目所逮也○

時已黃昏童子納燭而又進茶茶罷先生仍語及嶺

南道里山川風土人物尤詳於大丘曰昔先君子宰

達府凡四載自乙卯至戊午觀省往來五十年前之事猶森

羅心目因問及學問士次及山水之勝而舉達城問

曰尊家世蹟可得聞歟贊奎備告十六代祖諱沉號龜溪

世宗朝擢授三南均田制處使命換所居達城將加世祿公辭焉請減本邑糶耗每石五升仍移居南

山故驛基納基減耗事先生曰曾亦有聞而未得其詳矣

蓋達城好箇地昔遊達城見北角翠嶺百日紅爛漫

今依舊否對曰殆非舊時繁華喬木漸稀井池俱廢



每一登臨有地不忍荒水不忍廢之歎矣陪話至夜  
分與諸生拜而退○是日請行束脩禮先生曰與其  
徒有虛禮曷若敦以實心余不足爲人師未嘗以師  
道自居故於人不能受贄也

六日早朝侍坐時方小雨惠風徐至先生諫陶詩微  
雨從東來好風與之俱之句而曰天地以生物爲心  
故靈雨時而萬彙同榮獨余病苦阻生理○退坐悅  
樂齋閱小華外史

郡守吳慶元所著

日幾晡先生召示朝紙

曰明日有科試

三日製

既不廢舉欲赴應耶賜真玄一

笏拜受而退



十日自泮學出謁湖進拜先生曰今來欲還鄉云然  
否何其遽也對曰離親曠久非但思親之切亦恐親之  
念我不置先生曰並世因緣何幸一遭會晤而居然  
解携甚悵○又曰行餘之力須勤讀書書者所以維  
持此心終日不食終夜不寢以思無益不如學也孔  
聖亦嘗云爾篤信好學守死善道八箇字為畢生元  
符當拳拳服膺也○又曰朱先生云不帶性氣底人  
為僧不成為道不了又云無衰底聖人胡敬齋云人  
有英氣方肯進取一時意氣靠他不得栗翁云一毫  
不及聖人吾事未了蓋人負氣剛勁有勇猛奮發底



意必能擔負至重自期久遠○又曰君已小成只宜  
以用力於功令者從事於斯學真心做去無遠之不  
可屆也對曰幸蒙收容受賜多矣而河飲未克遽爾  
告歸烏頭之力未知保有幾時是午拜而退○先生  
起居室揭號蘆漪精舍而峙書左右僅容周旋壁上  
書揭皆古人名論有有天德便可語王道其要只在  
慎獨又陽氣發處金石亦透精神一到何事不做又  
煌煌靈芝一年三秀我獨胡爲有志未就又樂見善  
人樂聞善事樂道善言樂行善意又窘未嘗憂飲不  
至醉盡收天下春歸之肺腑又山益高水益深書益益



有味又流水籠山白雲鎖門又不出戶庭直遊天地等語也○時先生具褰巾服迺國服也

九月十六日作鷺湖之行

二十五日抵漢師八類宮

十月一日叅聖廟焚香

二日抵鷺梁風濤高舟楫甚危大覺臨淵之爲戒切至進謁先生退居西舍廊時先生獻經筵繼講冊子稟定議

三日先生示陶菴集中人不可以不學說曰此文簡暢固宜誦服且如尤翁寧陵誌陶菴萬東廟碑



皆典雅森嚴爲吾東大文字不容不省○是夕始受  
讀大學序先生曰古之大學此學字指學宮而言○  
又曰聰明睿智主心言○又曰一有者萬一有之之  
意辨疑謂作幸意看○又曰王宮國都兼天子諸侯  
而言學亦兼大小而言○問公卿大夫元士只言適  
子而不言衆子何也先生曰適子承以世祿將有國  
家之責衆子未仕之前與凡民等故必先俊秀而後得  
八

四日夕受讀經一章○問篇題論孟次之此以讀書  
次第看否或問引程子語云大學學者之先務論孟



猶處其次之意者否先生曰猶處其次語意切當論  
孟次之卽此意也其下由是之是字指大學言而與  
此篇之此字相應且於獨賴字可見緊貼意凡看文  
字須先看地頭○至經文先生曰明德主心言心屬  
火這是光明活動底物而具得許多道理故曰明德  
明德者心之尊稱尊稱猶表德也○又曰賢聖立言  
莫不本天而此書則首言明德而不言天故於序文  
言天降生民於章句言得乎天而傳首之特引天之  
明命亦補闕意歟○又曰明德者之者字與萬事者  
之者字相呼應此可見明德之主心言而明德卽心



之財此性者也○又曰革如今沿革之革○問大學之道道字之義先生曰道云者方也法也方法卽道也○問不曰欲平天下而曰明明德於天下者何也先生曰此承上文該體用說是筆力大段處○問致知在格物必著在字何也先生曰致知格物只是一事而纔明彼卽曉此故著在字○問致知之知其義非難曉而章句特釋猶識何也先生曰農巖云以別於仁智之知陶菴云知者知覺也其意淺識者知識也其意深恐人淺看故云溪湖云致知之知與統體之知覺不同釋之者正欲別於知覺也老洲吳文元



公云不徒別於仁智之知恐亦別於靈覺之知諸賢說可攷○先生曰經一章又分上下經則近道矣以上爲上經而經中之經古之欲明明德以下爲下經而經中之傳

五日先生曰余於巖左遍觀諸勝而右路則如統營及晉州之轟石安義之三洞皆未之遊焉顧謂權最萬曰君歸鄉日得圖畫三洞來耶余今脚力難於搜勝要作卧遊澄懷之資也○夕受讀傳首章至三章○先生曰康誥一節是統言明明德之事太甲一節是說工夫而緊要處在顧諟二字帝典一節是說明



明德之極功峻之一字可見○又曰盤銘一節是說  
自新之事而爲新民之端苟字又字當著眼看此見  
工夫之無間斷康誥曰作新民一節是說新民之事  
詩曰周雖舊邦一節是說新民之極效○又曰詩云  
邦畿一節是引止居之意以比止至善之義詩云  
鸛鳴一節言鳥知所止以比人當知止至善也詩云  
穆文王一節是說聖人止至善之事以明學者當究  
其至善之所在○問先言子後言父何也先生曰止  
孝較難於止慈故先言之○問不曰止於忠而曰止  
於敬何也先生曰忠有許多般不如敬之義爲周全



敬是忠之大者○先生曰此章文王詩以上知止之事淇澳詩以下得止之事○又曰詩云於戲此節君子小人以位言之

六日先生曰吾東水勢獨嶺南洛江東流入海故風土物產有異他道如金石草藥言之類皆有堅固長久之力人亦然文少質多多有可觀

七日朝與諸生侍坐先生曰文生於質質亡則非文才生於德德喪則非才○又曰無質之文無德之才適足以喪身覆家甚可怕也人之陷於雜技酒色者皆以此耳諸君皆年少強壯戒之戒之人於色上易



蠱而難悟豈宜以父母氣血戕賊於賤類哉○先生  
曰昔余趨觀達邨也或選勝于龍淵隱跡之間而有  
浮屠仁岳相識往來善談論又長於詩儘近世高禪  
近亦有此箇禪流否對曰未之聞隱菴距西居南山  
爲十里而近每携書往讀于其間先生曰碧窓溪燈  
夜闌僧眠孤坐讀書氣味清絕且瑞巖和尚問答主  
人翁惺惺者令人有警省處在吾儒亦宜有此等工  
夫○夕受讀本末章至誠意章○先生曰本末章朱  
子以使無訟聽訟分本末然而於使無訟三字上亦  
可以見本末

陶菴曰此章不以明德新民對者去  
只以使無訟三字歸重於知本其末自



在其中南塘曰所謂本末者指明德新民則使無訟是新民而當為末所以使無訟是明德之明而當為

本○問必繫曾子曰三字何也先生曰傳是門人之

記而引他曾子之訓以明上文之意故特加三字

八日先生曰聞見博而知益明如非生知安行之資

固多有資於聞見也○將出先生曰君知吉冶隱再

黃花祭伯夷乎對曰唯時菊盆在旁黃華盛開故先

生問及之○夕與諸生侍坐講誦先生誦中庸首章

贊奎誦大學經一章崔敬休權最萬沈  
瑗澤同侍參講

九日有嶺士移寓湖中者來謁權友成自丹城  
移寓公州新沼先生

曰隕毛之鳥渡淮之橘得無為悔否末若安土敦仁



之爲可樂也○是多受讀正修章至齊治章○先生  
曰先言忿懣者以人所易發而難制故也○又曰不  
見不聞非物不見聞於我乃我不見聞也此與中庸  
不睹聞當參殊看○修齊章其字有精義當詳說陶

曰身與心自家一副當物事初不相離者故旣言修身則不待其字而義自曉家與身則畢竟是二物而又不可以相離者故特以兩其字對說以明其相關之意○問五僻之中先言親

愛何也先生曰親愛尤易於偏故先言之○問此謂  
身不修一節獨用反語者何也先生曰修身爲齊治  
平之本故於此特緊切結語以應經文其本亂末治  
否之意○問治國章首節特下必先二字何也先生

曰齊家迺新民之始故緊切下語以見重始之意而  
且應經文所厚者薄所薄者厚之意○又曰齊治章  
引詩其爲父子兄弟足法一節諸說不同當詳玩或  
我所以爲父爲子爲兄爲弟者皆足法於人或謂一  
家之爲父子兄弟者皆足爲人之法或謂父子兄弟  
皆足法於我三  
說中初說恐是

十日先生出尤菴手墨簡帖示諸生曰尤翁之筆不  
屑屑於書法尺度而點畫嚴正筋骨強勁愈大愈好  
有山嶽體勢○又示石斧石鏃曰此北青人所送北  
青卽肅慎氏故都石鏃迺所謂楷矢石砮也這箇物  
往往有得於菴野之間云豈不異哉○午侍坐先生



曰諸君曾拜六臣墓及愍節四忠二祠乎仍之登高  
望遠暢叙而歸亦一韻致也諸生皆退出瞻真履墓  
竟日徜徉於雲水鄉中

十一日夕受讀平天下章章首至四節

十二日先生曰吾九過鳥嶺四過秋風嶺而乙亥自  
東京還洛登鳥嶺有此行三十載茲土九重經鳥道  
懸天極龍湫拔地形蒼林嗥虎豹白日闔雷霆從此  
辭鞿轡回頭謝岳靈之詩自後不復得踰嶺

十三日夕了讀平天下章○忠信二字先生所雅言  
而對門人屢舉以申勉及講此章至忠信以得之停

籤反復以致丁寧之意曰人無忠信易於驕泰小而  
殞身覆家大而禍延邦國吁亦怕哉程子曰人不忠  
信事皆無實爲惡則易爲善則難斯言道得真切  
十四日問事有終始先終後始何也先生曰鮮克有  
終故先終○問章句欲其極處無不到是物理之無  
不到耶吾知之無不到耶先生曰物理之無不到而  
物理到則吾知亦到

十八日侍坐先生曰願今風氣衰澁學術墜地假借  
緣歸虛偽成習良可痛歎明儒卽寶

謚文莊  
號可泉

之言曰

願爲真士夫不願爲假道學苟志於學則切忌摸擬



假借模擬假借皆偽也○又侍坐先生曰君解吸南  
草乎對曰已斲却曰飲酒乎對曰素未能先生曰隨  
量而不及亂則酒固可也至若南草草中之妖孽有  
百害無一益而世俗靡靡謾不知悟其流之弊罔有  
紀極可勝歎哉

十九日先生曰名山勝區必有金銀銅鐵藏焉以靈  
淑之氣所鍾也且曰金銀銅鐵孰與布帛菽粟人不  
可一日無者布帛菽粟故聖人之所寶在此而不在  
彼焉○余問德潤身之德與明德之德同乎先生曰  
能明明德之在己者則粹而盎背有不期然而然者

是所謂德潤身德豈有異乎○先生曰一部大學爲  
爲學之指南字字推詳句句考覈如酷吏之劾獄猛  
將之鏖兵究極到底凌不恕他方可以得渙然冰釋  
怡然理順之時○又曰其微辭奧旨宋明及我東諸  
儒固說得盡矣更加參考翫索深造獨詣則可見其  
條理脉絡瞭然不迷也吾病昏轉欲固克一一討論  
君須輪環溫繹期於自得

二十日先生曰昔余覲凝川

密陽古號庚午先生  
生覲親在衙中

每於

風清氣朗之辰携一小童登嶺南樓明月滿樓湖光  
清遠臨風相羊惟聞伐木丁丁自栗林中來今不可



復踐斯境矣○權最萬問宋龜峯徐孤青孰優先生  
曰英豪發越龜峯爲優安分守約孤青爲優○先生  
曰學問人皆可爲而質美者易爲質美之中勤篤者  
易成

二十一日先生曰近來術者談人之命往往道既往  
事甚詳而未來則未必盡知皆妖術不可信也昔黃  
勉齋引書之惠迪吉從逆凶作金降之百样作不善  
降之百殃之言而斥筭數者之妄斯豈非不易之正  
論乎

二十二日先生曰嶺南土厚水浹其民厚重質直有

古秦雍風氣昔人有言三韓人物半生嶺南嶺南人物半生一善蓋嶺右之尚善嶺左之安禮卽人物府庫也

二十三日問挽近禮壞雖自謂識者於禮多生受如遭惠受吊時哭揖答應亦多先後無節以至賓主胥錯何以則俾遵一定成規先生曰不素講禮而欲臨事無錯難矣若主客之契好深篤相扶哭泣之際貴乎各盡其情則此時禮節之或有差失理勢固然是不必一一苛責也然其大義俱在朱文公家禮所宜遵述○夕先生曰安貧如顏閔然後可做顏閔地位



今人極力營其口腹而所得止於一飽極力營其居處而所安止几席之地斯爲往哲名論而不容不識戒者也○先生曰古人云君子明不欺天幽不欺神內不欺心外不欺人肯哉言乎心爲天君欺心卽所以欺天天可欺乎天可欺乎○贊奎以書室之扁請命焉先生誦詩上帝臨汝無貳爾心之語舉臨字而曰大書特書常若上帝之儼臨臨齋之稱好矣又曰詩之此句爲學者之八字眞詮故心經引之語默動靜表裏顯微常若有赫然而臨者兢惕自持惶恐或墜造聖之功其基斯乎又曰伏枕垂死今不可爲力

待到病少可當大書臨齋字兼叙其義用作君常目之資也○明將告歸先生於燭下手書贈言以惠懌奎再拜而受

徐君贊奎景襄携箋達丘款扉盧漪留連數旬請益勤摯而值余伏枕垂死祇講大學一部亦太匆草也臨歸乞言其意拳篤而病不克爲文畧掇聖哲成訓而復之曰博學而篤志切問而近思何以言仁在其中所謂博學者隨時隨處只學此一事志專在茲故云篤志問專在茲故又云切問思專在茲故又云近思皆是求仁故云仁在其中此程



子所以俾學者要得之卽此便是徹上徹下之道  
道摠以求仁爲主也孔子教人急於求仁仁爲四  
端之首靡所不包靡所不貫耳孟子亦云仁人心  
也生理具在吾身心爲之主也故謂心自是仁底  
物事敬則此心存不敬則不仁自戕其心之生理  
矣故爲仁以敬爲主涵養得本心熟到清明和暢  
之時安有所不仁者乎心中無他物祇有此生理  
故河南老子以穀種爲喻仁則其生之理也聖人  
說爲仁便是從心地上做工夫要人養此種此心  
不患不發生而諦斯義者寥寥斯所以學絕教乖

也景襄此齡登庠永謝功令專精向道儘能慥慥  
乎求仁爲己之實則自應馴致聖賢闔域也景襄  
以生長嶺陬聞見不博爲悶而昔華山桃花生乎  
石縫中花尾著之卽生不由核種也是可驗物性  
之變化有不可以常理限者乃人之有生必曰限  
乎其地者豈然哉景襄必求仁體而擴克則渣滓  
渾化與天地同大景襄乎其欽念哉庚戌陽月下  
澣梅山八老翁力疾書

退見鰲谷丈談笑淋漓情意穩款永夕娓娓盡是爲  
學之方



二十四日朝拜辭函遙先生曰景襄乎歸而讀書克勤無惰書中自有嚴師友必要做無上第一等極好底人古人有云環堵之中而覽觀四海千載之下而覲面古人其精微者可以齊藻性靈其宏肆者可以開拓聞見斯爲名論君其念哉○又曰讀書而不體認窮理而無涵養則非學也得之而有矜意行之而要人知非爲已也○先生每接人先問讀何書次問有好學者幾人於其歸也必勸勉以劬書篤行○先生每與人坐必諄諄誘掖使人自有脫服向善之心且居恒頗頗憂時憫俗不以處江湖而少弛 宗國

之念○贊奎讀曾傳也每於夕後受學蓋緣酬接浩  
灤也雖於燭下逐句勘詳丁寧反復不以患候彌留  
而或有厭倦意若請少停則曰八耄之人何時無病  
蓋先生稟受既異於人而講習純熟自有不甚費力  
而然也○先生年彌高病益尅而猶嚴於自持幽顯  
不貳嘗舉朱子訓以勉之曰世間萬事須更變滅不  
足置胷中惟有致知力行修身竢死爲究竟法耳○  
先生嘗愛酒時或小盃淺斟曰爲人合歡潤暢氣血  
莫酒若也且可隨量以醺爲度不宜沉湎以犯及亂  
之戒也○先生嘗曰余少時以親命三赴司馬試皆



勉強也大科則平生不一赴以夢思所不到也○嘗聞先生二十六歲發解二十七赴南省見多士奔競自後遂絕意於進取有權要要使大闡而先生終不應焉

辛亥九月三日作鷺湖之行十六日抵鷺湖

十七日侍坐先生曰年來見課何書而做得甚工夫對曰讀小學書而終欠體認工夫先生曰小學爲作聖階梯做人樣子於此焉較實效則修齊治平無待乎他矣人而不爲小學不可以爲人君可謂補既往之闕○又曰今行由烏嶺否碧水丹山秋光淡濃從

這裏來得幾篇佳什否對曰間關徒步苦沒趣想而  
九日得一絕云千里長風登鳥道九秋佳節向龍山  
忠州所過地名遙憐故國東籬下數朵黃花待我還先生數  
回微味曰韻語頗好

十八日夕侍坐明月登窓几席如晝與諸生講誦

嚴星葵金篤壽全贊正誅同侍參講贊奎誦董生行畢先生舉無與儔

三字而三復焉○問古者大夫三月士踰月而葬而  
孔子之葬踰月何也先生曰孔子踰月之葬未可知  
後世則無論大夫士皆三月而葬必以三月者以天  
時一小變也○問墓大功壘未葬前若異宮則如儀



行祀否先生曰五服未成服前無論同異宮皆不得  
行祀期大功未葬前若異宮者只單獻無祝而葬後  
則但不受胙耳○問子代父行祀而無他執事則祝  
文自讀耶以子名父雖緣壓尊終是未安何如先生  
曰禮八廟不諱然終難直呼少容噫歎恐宜○問父  
在外不叅祀祝文何以措語先生曰當云孝子某身  
不在家罔克躬將使子某敢昭告云云○先生曰劉溫  
叟以父名岳而終身廢樂不遊崇岱徐仲車以父名  
石而不用石器行不踐石此出於跬步不怠觸境興  
慕兢兢乎有所不忍然恐有所行不得者莊舄之子

可以徒行高穀之子可以廢食乎此難爲後世法也  
十九日夕與諸生侍坐問嶺以南各書院春秋享或  
時與國忌相值則皆退行而陶菴答樓巖院儒曰  
國忌日行柁雖若未安而神道旣別柁典至重變改  
無常亦所當戒恐當用元定日行之云未知如何先  
生曰陶菴之論得矣而今俗皆退行亦無妨○問凡  
婚祭拜數男子再而婦人四何也要設凡拜男子再  
拜則婦人四拜謂之俠拜俠字是何謂也男子於君  
前亦四拜何也先生曰俠是兼字之義婦人之拜兼  
倍於男子君前之拜尤所鄭重故兼拜焉○語及湖



洛辨余從旁對曰嘗翫李陶菴李魏巖心性之論精切明白所謂俟後不易者矣先生曰然金萬壽問湖洛說所以分先生曰五常之辨未發之說明德之論論辨多端萬壽又問物不具五常其說得不只先生曰謂理同性異而有是說然一物之中各具太極太極豈不備五常之謂耶五常雖因人立名畢竟是五行之理分言則爲五常約言則爲一太極豈獨人具而物不具也但人物有偏全之異人受五氣之全而五性亦全物受五氣之偏而五性亦偏若謂物之爲性有錢一於五常而或有或無則是分裂太極也其可

予哉蓋虎狼之仁蜂蟻之義睢鳩之禮候蟲之智雖  
若各具五常之一其實仁亦具義禮智義亦具仁禮  
智禮智亦然然惟其不能全者局於氣也又曰性同  
氣異四字晦翁之真詮理通氣局一句栗谷之要訣  
也贊奎曰有五行之氣斯有五行之理五行之中有  
一不備則既不成造化五常之中有一不備而亦何  
以成性然人物之異者以其偏全以人言之雖稟得  
全五常而氣之清濁自不無賢愚且或有仁底意多  
者有義底意多者以其金木氣之尤勝也禽獸之虎  
仁蜂義是亦金木氣之一點明處而虎非仁之外都



無他性特其性之似不存者以氣之偏塞理不能明  
著也先生頷可曰此理元自簡易易知易見而世儒  
多以私智鑿覓東遮西攔祇見其可哀也已○金正  
洙問或謂衆人無未發此說如何先生曰衆人一似  
無未發惟聖人分上可以言未發衆人則氣拘欲蔽  
積習熏痼湛一之體罔極俄頃保有何自而見未發  
境界學者致存養省察之功自能變化庶有未發之  
時此時則堯舜塗人一也贊奎曰衆人未發時如石  
火雷光未能接續雖謂無未發亦可矣先生曰未發  
或從原頭處說或從思慮未萌處說何能驟語而盡

之○先生曰吾嘗謂性者五常之綱五常者性之目  
統稱曰性分言曰五常○先生曰形氣神理之說始  
於黃勉齋而最爲精確盖有形斯有氣有氣斯有神  
有神斯有理形者形質也氣者氣質也神者心也理  
者性也理精於神神精於氣氣精於形妍媸長短一  
定不易之謂形清濁粹駁有萬不齊之謂氣靈妙不  
測之謂神純一無妄之謂理神之比理幾乎無間而  
但情意造作萬變不測不似理之一定而無爲故理  
資乎神神配乎理爲氣之本爲形之主矣夫形氣神  
理盈天地間無乎不在仍舉手示曰今以一手指言



之手指形也屈伸氣也能屈能伸者神也其所以然者理也細究其蘊則於百物可推類而盡○諸生拜出先生命贊奎坐曰明經達禮克己體行是爲爲士者事業君其勉哉○先生曰昔張旅軒平生朴實頭用力九上疏例於疏頭書頓首百拜字疏或乃爾而人未必行旅軒則必百拜以稱其數及老不能筋力爲禮則書五十拜云云曰告君不可欺也近世之申直蒼亦然先輩之務實有如此○先生曰星山有漢門三處士鄭東翼李敏哲鄭承毅是已○問今嶺南志學之士誰可從遊先生曰尚川有南薇胡安東有姜

鎮善山有沈奎澤東都有韓運聖皆吾黨之傑然者  
也○先生曰嶺南禮說有李氏之家禮增解柳氏常  
變通攷是可閱文字雖互有詳畧其於疑文變節甚  
優叅考

二十日與諸生待坐先生曰關北有蘇武窟看羊島  
關西有小連大連遺墟吾曾有記序又江陵有滄海  
力士遺墟而事蹟歟小未可的知因語及張良武侯  
事而舉朱夫子孔明不如子房之從容子房不如孔  
明之正大之語以誦之又及我東人物曰新羅之金  
庾信高麗之乙支文德高麗之姜邯贊本朝之李



忠武公皆間世者也又咏忠武公誓海魚龍動盟山  
草木知之句與水國秋光暮天寒鴈陣高憂心輾轉  
夜星月照弓刀之句歎賞不已且說與其事蹟甚詳  
曰有經天緯地之才有擎天奉日之功者忠武公是  
已

二十一日侍坐語及山水勝處告以大丘梅溪水石  
之勝先生歎不曾遊賞曰托畫五老峯下飛泉三疊  
有晦翁故事君其畱神焉○先生曰遠城樂育齋遵  
例選士如昔日而士之所業甚事對曰凡百不古謀  
道者鮮矣先生曰顧今士習日渝虛偽弊滋往往有

不忍言者古昔養士之設盡為名利之窟豈不寒心哉○問俗節行祀先儒之論多端將何適從先生曰正朝上巳端午七夕九日冬至卽一三五七九之陽數以是日定行亦扶陽之義也然家勢不給則何能盡舉此節日乎

二十二日侍坐問今之忌日舉哀者有立哭伏哭之異何者為得先生曰禮無伏哭之文祇許尊長坐哭○侍傍者問祭之用素要訣只云當日不食肉何也先生曰致齊日與當日皆當用素然先儒有不可以未死之日行已死之禮之論則當日用素尤所致謹



今俗於當日多有不謹者可駭○先生曰凡祭天產用奇數地產用耦數天產卽魚肉等物地產卽果菜等物天產過三色則用五色地產過二色則用四色此天三地二之義也

二十三日贊奎問近來鄉曲葬時及小大祥設酒饌饋吊客滔滔成俗甚無謂也然不如是羣謗四到何以處宜先生曰程子葬父使周恭叔主客客欲酒恭叔以告程子曰勿陷人於惡當以此爲法○是日兩湖疏儒遺書於門下諸人前是宋雲坪能相復逸時先生有獻議集山士人沈宜年謂獻議中有不滿語自以有淵源於雲坪長書於先生門人沈宜德而辭悖無倫門下諸人以先生

守無辨之義且禁之甚嚴故未果聲討至是兩湖儒將疏介雲岬及權相敦仁又自疏廳遺書於門下責其無討沈之舉又聞沈自太學鳴鼓兩湖校院皆揭罰云夕諸生侍坐贊奎曰今因兩湖疏廳書始知有沈宜年之悖書門下諸人恐不可以事屬既往而置之先生曰無辨為宜詎可相較反致嘵嘵吾宵中自無此事諸君抑固未知也又曰孔子於鄉黨恂恂如也似不能言者蓋鄉黨之間謹慎為貴况於世間是非黑白太分明則殆難乎容矣

二十四日問婚禮既納幣未親迎而婿之父母死則女將自處以平人乎曰既不親迎則自無奔喪之理



對曰華糲盛歸不幾於未安乎無已則去華歸否曰  
都是平人祇待三年已矣○問人之居本生親喪者  
書疏或沙溪則謂以喪人爲可尤菴則謂當用伯叔  
父母例而陶菴從尤菴說後人之欲遵行者當從尤  
陶兩先生之言耶曰然○問樂記曰熟烹而杔非禮  
也要設時祭魚肉各一牒註魚肉當用新鮮生物蓋  
用生於交神之道自有精義今之祭者多用熟何也  
沙溪以爲家禮所謂魚肉非生魚肉乃魚湯肉湯尤  
菴以爲家禮只說魚肉則或生或熟皆似無妨未知  
將何適從先生曰生熟固當參用而用生則作膾似

宜郊特牲曰血腥燔祭用氣又曰腥肆燔燂祭豈知  
神之所鄉食此似生熟俱可用語類云祭用血肉者要  
藉生氣而家禮則不言生似是用熟此亦生熟參用  
之證○夕語及遯方民業之艱難先生慨然曰生民  
困悴莫近日若貧者益貧富者益富風俗之渝薄亦  
由於此夫財者災也聚財所以聚怨古今人累金玉  
廣田宅以遺後者未必其後人皆能守惟爲善以遺  
後者庶食報之不惑此理甚明○又曰近多四方士  
友之來訪者皆言民生疾苦多緣吏逋與還弊而官  
長之贓污爲尤甚往往有不忍聞以致民殘國弊莫



臣所奏之書

可收拾職由於老直恣行奢侈無節是豈非大可寒  
心者哉仍憂歎不已愀然者久之○先生值先代忌辰  
衣冠竟夕危坐曰雖病不克與祭亦靡敢解衣安寢  
二十五日入京付上家書

二十七日即

嘉禮日罷漏後與尹進士載近金進

士炳源金進士最源出祇迎班乙時

大駕親迎于

本宮已時行

同牢宴于闕內○午後出鷺湖進謁

先生曰

舟梁禮成

乾坤位定臣民之慶○夕侍

坐先生曰八京數日留於何所對曰留泮齋曰近來

支供何如對曰饌物麤疎而飯高依舊先生笑曰自

來俗間多嘲謔班首爲飯高氏又曰士子國之元氣  
館學首善之地我朝禮待之盛施設之隆直可以  
媲美三昔卓絕百王衣縫掖冠章甫者蓋思所以仰  
答萬一也○諸生拜退先生畱贊奎而宿

二十八日鷄鳴先生呼贊奎曰寢否驚寤應唯而起  
先生命誦書誦愛蓮說歸去來辭等文○先生見贊  
奎緇布冠曰家居所著只此耶加著黻冠否對曰接  
賓則加著笠子先生曰尤翁云莫便於冠莫不傳於  
笠令學徒皆著冠肄業蓋以冠卽華制笠則俗制也  
○先生曰人之處畎畝自有至樂讀書明理以之修



身齊家服田力穡以之奉親祭先是何等樂事也○  
夕侍坐先生曰君吸南靈草乎對曰未也曰素吸者  
自從我遊始斷絕乎曰然先生笑曰人之所嗜非吾  
強止特惡其無益而反害耳昔陶菴嚴禁吸草門生  
來謁者皆藏草具於十里外云○有人來謁先生命  
侍者煖酒以饋之手誤觸爐灰動點污欲遺棄先生  
止之曰吾平生飲食不計精麤未忍棄地此酒猶堪  
飲置之欲更斟以與其人惶愧固辭用紙去灰而飲  
二十九日先生上䟽辭大司憲兼陳所懷○先生曰  
紫陽之學一傳而爲黃勉齋幹再傳而爲何北山樸

三傳而為王曾齋柏四傳而為金仁山發祥五傳而

為許白雲謙六傳而為宋潛溪瀛七傳而為方正學

孝孺金許兩賢以有宋遺民畢生自靖於鐵木之世

潛溪值大明之中天贊一初之制作方正學以一身

而任萬古綱常之重是為朱門淵源之真正也

三十日夕設講先生誦大極圖說贊奎講四勿箴嚴

葵洪一清金萬壽講畢先生曰吾嘗好伯夷傳思至

則誦今氣息不續廢之已久使沈樂淳誦之

十月一日下疏批使地方官傳諭鰲谷文以地

旨入先生不能以筋力為禮使侍者先生曰身帶重

扶攝四拜跪讀批旨畢又四拜



銜夙宵靡安今蒙 恩遽不勝喜幸命最為先生展

讀 批旨一遍○夕設講先生誦西銘贊奎講中庸

子路問強章先生曰栗翁每令門生誦此章及孟子

景春章而日夕聽之云

二日夕設講先生誦易傳序嚴星葵金萬壽沈樂淳先生外孫開洵和同侍

講講畢諸生拜退先生命贊奎坐曰東銘及呂與叔

克已箴等文皆誦服勿失可也君俄誦東銘未克純

通吾且試誦一遍贊奎亦承命更誦○先生誦陶

菴拜青川尤菴墓詩一絕寂寂空山百花堂正氣何處我來不聞一語天高

海閣延行曰蓋陶菴之倡明正學尤翁後一人○又曰農

巖有云退溪善言學栗谷善言理又云靜菴之倡明  
標準退溪之沉潛闡繹栗谷之發揮運用爲我東儒  
賢之最又云靜菴如光風霽月精神足以聳動人栗  
谷如青天白日心事足以悅服人此農巖之贊三賢  
真金秤玉尺毫分不差者也○贊奎問人或在外奔  
喪或追後立後而成服既晚則練祥變除之節將何  
以爲之先生曰小記云祭不爲除喪推斯義也練祥  
之祭固依其日行之變除計月實數爲節而若几筵  
已撤設位哭除爲宜贊奎曰朱子答曾無疑曰練祥  
計月日實數爲節其間忌日別設祭奠沙溪慎齋集



陶菴皆主其訓

問曰若宗子在外追到則計日設祥

祭除服初五日設忌祭而已陶菴答人告辭措語

曰今以初期之日禮當行練而亦子某以某月成服

月滿之後始可追行今日蓋練祥有故則追行古有

已例故諸先生未暇致難於其間耶先生曰祭是事

死之禮非爲生人而設依忌日行祭固無害於後日

除服何必不舉於當祭之日而掇及於服滿之期乎

諸賢之說世皆遵述久矣後來諸儒因小記說而不

乃爾

三日夜與諸生侍坐席間多有蚋蟻蝥螋而過欲捉

之先生曰投諸外因誦程子蝓銘殺之不仁赦之非

義之句曰仁義之間何以處之贊奎顧望而對曰不  
可赦亦不忍手殺之無已則投之他而任其自死生  
已矣乎先生曰庶乎其可歟又曰雖昆蟲之微余曾  
不忍手害者取西銘吾與之義也然可殺而不赦者  
有二焉如蜈蚣百足蟲之毒往往中人致害此則用  
孫叔敖殺蛇事可也

四日先生示楸行時所吟詩曰如有不合意處無或  
隱我隨意點化可也昔白樂天作詩令村嫗解之○

夕設講先生誦中庸首章贊奎誦萬東廟碑銘諸生

侍坐講○先生曰爲士者講明一部春秋則衛國立身



之道於是焉存顧今宇內識此義者幾人仍喟然歎息

五日夕設講先生誦大學經文贊奎講中庸費隱章

諸生同侍參講時鰲谷文亦侍坐語及及門之士先生曰從

吾遊者知行之篤文學之優明路之正可以任斯文

之責者莫如趙孺文秉惠工於文辭明於今數沉潛

敏達曉解事務者莫如申幼安應朝資稟之英明溫

粹洞澈無埃者莫如任明老憲臨

六日諸生侍坐先生顧贊奎曰醎苦酸辛甘五味之

中何者為好對曰醎可以調百味先生曰然有是言

也宣廟時有如此說而我則取水之一味淡泊對

曰奚取於水哉曰百飲之本五味之質○鰲谷文差

驪州金文忠公

濟謙

金忠愍公

省行祠

賜祭祭官

將行先生曰士林所會禮貌攸在慎旃哉辭達而已而汝辭令不能達意未言而思將言將言而思其言之或失○又曰坐則儼然端坐立則挺然植立人有坐而搖體者是涉非恭仍顧贊奎曰君亦有體撓時乎對曰然有時靜坐不覺自撓先生曰是無主敬之致須猛省處○又曰九容九思亦養生之要訣

七日有一士人來謁先生曰近讀何書而能篤實否



其人曰讀孟子而恒患不篤先生曰計活何如對曰  
僅供朝夕飯粥先生曰食取充腹衣取蔽身而已士  
志於道而恥惡衣食者未足與議少選其人告退先  
生謂曰讀書不倦樂金不厭生而爲善士死而爲賢  
鬼是爲究竟法富貴榮辱之自外至者何足道哉○  
贊奎曰明德主乎心之言嘗聞命矣而諸生中有不  
歸一者金平默嘗主理言何其惑也朱先生曰只虛靈不昧  
四字說明德意已足盧王溪曰明德只是本心章句  
釋明德之義則曰虛靈不昧以具衆理而應萬事着  
他而以字可知具衆應萬只在虛靈不昧裏面盖具

是心之所具應是心之所應也然則明德分明是主  
心說者而心之本體是神明所舍虛靈洞澈湛然純  
一者也此則固無聖凡之殊也以此揆之明德爲心  
之教不是離理而言心特就所主而言者然則其以  
明德爲專屬理者固可憫而小子之見亦未自信茲  
仰稟先生曰所論是矣或者以明德主性而言故至  
以心爲理而不知本心之爲明德矣心體是氣之湛  
一者而自爲虛靈洞徹萬理具備則明德之主言乎  
心有何可疑或者之紛紜爲說者全不能體究本源  
只靠紙面強立不逮之見更不詳言意之攸在可悶



○先生謂贊奎曰士有四業經義禮典史文記文章經

爲本禮後乎史可以博古今文章爲載道之器不能  
於文雖有善意不達於辭○又曰朱子亦嘗讀韓文  
又嘗使受之習蘇文允翁受韓文若干篇於慎獨齋  
其意繁可見然不能文非儒者所病亦何必役文爲  
也但爲其受用不窘已矣

八日先生起寢整冠而坐命誦書誦西銘先生曰西  
銘與太極圖相爲表裏而存吾順事沒吾寧一句與  
朝聞道夕死一義故註曰生順死安無復餘憾○又  
曰太極圖有宋之河圖○時隣比饗神蕭管徹夜不

休令人聒耳先生謂贊奎曰彼以左道惑世者猶能無少間斷靡有餘力乃爾况爲學而希聖者詎容有

一念之或惰當痛發浚省○是夕設講贊奎講大學

誠意章

金炳厚嚴星葵金斗萬金萬壽沈樂淳同侍叅講

講罷先生謂贊奎

曰嘗聞嶺南之人有穴壁燃松讀孟子千遍者未知如今亦有此等人否而子讀孟子幾遍對曰未克熟讀先生曰程子云學進則識進識進則量進士不博識萬理俱礙歲不我與當惜分陰毋貽老大之悔也○先生曰近來常賤中或有孝烈之可尚者乎對曰盖有之矣未之聞也先生曰世降則教弛教弛則民



無恥聞閭閻賤女見娼妓無蚕農之苦而有衣食之  
優不之恥而反羨焉是豈細故也哉○又曰近世作  
牧伯者於都會白日場宴榜之筵令妓輩呼名皆稱  
禮意慇懃風流弘長士以爲榮而不知恥噫世有剛  
腸者幾人能不爲尤物所惑古人云避風如避箭避  
色如避仇可不戒哉○夜分將就寢先生咏李晦齋  
萬事變遷無定態一身閒適自隨時年來漸省經營  
力長對青山不賦詩之句又曰一生爲善猶患不暇  
更有何暇可以爲惡哀哉不善之人

九日贊奎問古者教人以樂爲先以其養中和之德

而救氣質之偏也吾東未曾以音律爲教無乃音律  
不傳其古耶律尺長短亦未有知其說者何也先生  
曰孟子時猶云今樂猶古樂而今世皆雜以俗樂難  
於返古况吾東僻在海隅古昔中正之音未克詳傳  
者乎贊奎曰近世亦見鼓琴者往往有之徒歸豪士  
遣閒之具而山林養真之士絕無行者是亦不詳其  
正律而然耶古詩云古調雖自愛今人多不彈以今  
言之不彈由於不知雖非古調正律亦可以養其性  
情浩暢道德耶先生曰琴者禁也禁其忿慾之邪心  
淵明之素琴其意甚善其詩曰但識琴中趣何勞絃



上聲誠千古高士也○贊奎問墓祭家禮與備要則  
先叅後降而要說則先降後叅何也先生曰當先降  
後叅出戶雪已盈砌矣

十日昧爽侍坐先生於枕上得一絕

雨雲霏霏送暮  
秋西江風浪急

時休世間識字真憂  
患禍福由來自己求

蓋有爲而作也○問麗代圃隱

以身殉國治隱遯世自靖豈以其恩位有殊耶先生  
曰守節義者要各盡其心所安已矣殉國自靖是自  
盡之大義而咸出於至誠惻怛詎或視以恩位而死  
生貳之哉○又曰位卑名微進退隱顯無輕重於當  
時者猶當韜晦自靖是爲立經守義之君子若元耘

谷天錫之隱於雉嶽是也○又曰立于朝而有官守之責者不幸值板蕩之辰當竭忠衛社繼之以死死不可得則潔身遵晦以沒其世此勝國諸賢或死或去殊塗而同歸有人贈圃隱詩曰江南萬里野花發何處春風無好山圃隱曰嗚乎其晚矣嗚乎其晚矣○又曰夫君臣大義極天罔墜雖未蒙一命不霑寸祿生其地爲其民腹穀身絲皆吾君賜耳烏可換面改頭以犯不二姓之戒哉斯義也炳如日星須反覆講明要使熊魚之分皎然於心目間庶幾前定而不疚矣○先生每諄諄教誨參以往蹟古事曰耳聰於



上聲誠千古高士也○贊奎問墓祭家禮與備要則  
先叅後降而要訣則先降後叅何也先生曰當先降  
後叅出戶雪已盈砌矣

十日昧爽侍坐先生於枕上得一絕

雨雲霏霏送暮  
秋西江風浪急

時休世間識字真憂  
患禍福由來自己求

蓋有爲而作也○問麗代圃隱

以身殉國治隱遯世自靖豈以其恩位有殊耶先生  
曰守節義者要各盡其心所安已矣殉國自靖是自  
盡之大義而咸出於至誠惻怛詎或視以恩位而死  
生貳之哉○又曰位卑名微進退隱顯無輕重於當  
時者猶當韜晦自靖是爲立經守義之君子若元耘

谷天錫

之隱於雉嶽是也○又曰立于朝而有官守之責者不幸值板蕩之辰當竭忠衛社繼之以死死不可得則潔身遵晦以沒其世此勝國諸賢或死或去殊塗而同歸有人贈圃隱詩曰江南萬里野花發何處春風無好山圃隱曰嗚乎其晚矣嗚乎其晚矣○又曰夫君臣大義極天罔墜雖未蒙一命不霑寸祿生其地爲其民腹穀身絲皆吾君賜耳烏可換面改頭以犯不二姓之戒哉斯義也炳如日星須反覆講明要使熊魚之分皎然於心目間庶幾前定而不疚矣○先生每諄諄教誨叅以往蹟古事曰耳聰於



目母或遺忘又曰世多有才氣異等之人舉為科業  
所累更不知聖哲之為可慕道德之為可貴此固可  
憫而又或自命於學問之列者有些少才藝稍出等  
突便昂然自足巍然自大更無歉然虛受毅然必往  
之意所以安於小成固就遠大此為志士之所宜戒  
也

十一日夕講先生誦六君子贊金炳厚誦典嚴所述  
尤菴贊嚴星葵誦遂菴尚夏所述尤菴贊贊奎起坐  
而請曰二子既誦尤菴贊小子亦誦先生所述尤菴  
贊先生曰誦誦之誦畢先生曰若農遂兩先生作可

謂說得七分吾何以形容其萬一也

十二日曉明燭而坐先生命誦書誦師說○夕  
侍坐語及嶺外諸賢先生曰寒岡鄭文穆公述天  
資英發識解通明所著禮說亦多有退溪之所未  
發者○又曰南冥曹文貞公植嘗有詩云人之愛  
正士好虎皮相似生前欲殺之死後方稱義詩  
頗警絕○又曰寒岡挽金東岡宇顥詩有千年正脉終  
天慕百世清風特地奇之句盖千年正脉指退溪百  
世清風指南冥

十三日先生曰凡讀書須成誦讀而不誦與無讀



同誦而不思與無誦同思而誦誦而讀輪環不已  
厥效自在罔覺之中○先生命取葱根一把種盆  
而置諸座右曰見萌芽漸長可驗萬物生理又咏  
明道睡覺東窓日已紅之詩且令贊奎咏一遍○  
有湖南士人來謁先生曰讀書當以經爲本而書  
傳須要熟讀古人以讀尚書比嚼乾栗蓋咀嚼之  
久其味始美○語及各道方言先生曰大抵音聲  
之清和者爲好人濁惡者男或不利於父母女或  
不利所天

十四日趙明熙肅齋長子來謁問曰廢疾子將承祀爲后

否或云廢疾者不入廟如何先生曰廢疾者天癡而  
專沒知覺無望有嗣者不可謂成人何以奉祀承宗  
然若不此甚其於立適以長之義難容他議況入廟  
乎○朝後贊奎將入京先生謂曰千萬人中常知有  
已母或隨衆奔波

二十一日出鷺湖○夕侍坐設講贊奎講心經贊

嚴

葵金萬壽沈進士曾  
在洪晚秀同侍參講

語次先生曰歐陽子稱不長

久之物曰春寒秋熱老健吾亦謂世間不可恃者三  
天運也君寵也老健也天有不測風雨君有不測政  
令老人筋力朝夕異候吾今八耄矣筋力之不可強



又如是真朝不謀夕耳○贊奎問以無兄弟之身為其伯父后而本生無繼后處則奈何先生曰昭穆無可繼后者后来班祔為宜人或以出后者之衆子中一人為本生奉祀有若繼后者然是則間失一代豈有無父之子大壞繼序之義也

二十二日先生見贊奎所著周衣曰嚴冬禦寒此衣最緊昔鄭錦南

忠信

為光州幫子時年才十餘矣一

日遇寒歎曰若得一死布則可以作衾褥可以作襦袴人問其故曰若作一周衣居則禦寒寢則藉覆其知慮之拔萃自幼如此少選鰲谷文進綿紬周衣先

生嫌其華美而却之曰安其體不若安其心仍指贊  
奎曰斯人之服但取蔽身不亦善乎○夕與諸生侍  
坐講誦

二十三日有申生來謁備道申舟村曼緬禮事而曰  
山理儘有諸先生曰天人皆有理則地豈獨無但不  
可以僥倖求之朱子於山陵疏備陳利害是則必然  
之理也且蔡牧堂蔡西山地術精明朱子葬地卽西  
山所占云吾東先賢如尤翁猶遷睡翁墓矣仍誦三

淵詩

世八幽陰惟說紛不尊祠屋重丘墳功名壽夭  
違心際歸咎其山穴不真又云風水歎言極異

端欺人誣世弊漫漫頻移鄉校求科福孔聖猶難復  
暫安又云蓋棺猶有事難知子大孫多被掘移生存



華屋安身久矣作飄蓬豈不悲又云南公師古最靈通十萬其親每值凶畢竟知無可求理徒然痛哭海

中雲以戒之曰蓋山理不可偏信而五患所在不得不

慎世人或不以安親為心惟福祿是求則福未必求

而辱反及焉是宜識戒吾亦荐經毒憾不能不為術

士言盱眙屢遷親墓及夫晚年追悔莫及○贊奎問

自古聖賢必有旨諉相承如堯舜之執中孔門之求

仁孟子之養氣存心洛閩之拈出一敬字是已若言

我東先儒則未知亦各有盱主用工否先生曰吾東

儒賢皆遵述古賢成法而各有得力處如寒暄之尊

小學靜菴之尊近思錄退溪之尊心經栗谷之尊四

書沙溪之尊小學家禮尤菴之尊朱書是已贊奎起而坐曰敢問先生惡乎尊尚曰吾自少善病不能多讀然好讀孟朱書矣顧今聲利滔天尤宜讀此書或問先生平日心上做工之要先生曰吾無他盱長但善恕人亦不曾責備惟樂道人之善已矣

二十四日裴生泳爲其師崔監役

琳

欲謁文字而來

將告退請終身須用之諉先生曰忠信而已請益曰復何加焉忠信是實心學者能真實心地靡盬虧欠則何事不可做又問用工當何先曰慎獨程子云有天德始可語王道其要只在慎獨栗谷云萬惡皆從



不慎獨生蓋慎獨爲工夫八頭處不於此施力焉如  
鏤脂劃冰自無著落造次克念而勿失焉則許多事  
業當從這裏做得是日上遣史官傳諭

予必致

卿乃已之苦心已悉於前者奉復而況時相愚愚之  
奏置出於得賢共理之至意乎聞緣國家事會之多  
端尚未有數心之論此亦予誠意淺薄之致也卿以  
六十年守道讀書之人其於經傳稽古之力卿雖欲  
退不居不可誣者聞然日章之理也顧今國勢之岌  
業何如民憂之瀕洞何如雖以目下事言之亂逆曾  
生鞠訊方張此豈有他而然哉只是國勢不尊民生  
莫支而然耳民憂之莫支固不難知國勢之不尊抑  
又何故當此時如卿衛國向上之人竟欲固守初志  
不俟所以校髮纓冠則是豈天地莫逃之義也哉予  
言之至此卿宜有惕然而自勵者望卿即日幡然造  
朝思所以講底平之道而究弭亂之方則此豈非一  
生服勤聖訓之功歟復音之來予方先生將附奏而  
則席而終之口魚春秋申學與來宣

時已侵昏呼燭整硯命諸生退去獨贊奎與鰲谷文  
侍坐先生口授而使贊奎書之既畢鰲谷文告以病  
穉恐涉少煩先生曰告君之辭不容不直視吾病此  
猶不盡說何涉煩之有○史官之來也先生患痺將  
具冠衣身不能任贊奎進奉被帶先生止之曰豈宜  
使賢輩爲此對曰不曰必操几杖而從之乎凡我小  
子之供灑掃者何所爲而不宜先生曰君言雖出於  
安老之意余心則自不安

二十五日夕福卿

一清先生堂侄

曰有一相者俄過小舍廊

先生曰胡爲乎來哉盡亟謝去福卿曰俄已送之先



生曰吾恐沒覺年少輩易惑浮妄之說而常近非類之人顧贊奎曰亡國之事非一而好兵者必亡傷生之事非一而好色者必死亡家之事非一而好雜術者必亡此等處最宜審慎○又曰吾少時相者云性氣太過早脫齒然後可得遐壽蓋吾性氣常有過處故以按忍不暴露爲戒式至于今而齒牙則踰四十已脫落其言似有驗而此外都沒著落

二十六日先生曰技術之客浮浪之人不宜相近不經之事非禮之說耳不可聞口不可道此乃末路居鄉之義諦大抵不農不商非文非武之輩朝東暮西

與訛造訛指無謂有指毫髮爲泰山在少年則妨工  
枉愚氓則致惑如此之輩初不可近近則難疎疎則  
反怨所以初不相近爲妙耳○夕侍坐先生曰吾二  
十歲時陪先君在達丘貳衙時值嚴冬觸寒成疾口  
味全爽官厨所供有不適口卽却之夜又渴甚求梨  
梨在市買來稍遲責其舉行之慢又却之旣而追悔  
招其入曉解之吾以是常存整肅之心不敢怠諸君  
戒之少時喜怒尤不可不慎○是夕先生留贊奎而  
宿夜久後先生獨微吟無寐呼贊奎而起語及理氣  
說先生曰理者氣之主也氣者理之器也氣非理無



所根柢理非氣無所掛搭理氣二者無先後無離合  
必欲尋言其所從來則却似理在先氣在後然理非  
別爲一物也卽存乎氣而爲氣準則所以一而二二  
而一者也就他一原上說則主理而氣爲其所寓就  
他分殊上說則主氣而理爲其所局理無形而氣有  
形理無爲而氣有爲理則通而氣則局也蓋此氣之  
賦於人而虛靈不昧者心也其所具之理仁而義而  
禮而智者卽性也精察於此端的有見廢乎其不差  
矣

二十七日贊奎問朱子編小學書多取一事之善而

亦或有不當取者如朱壽昌之迎母有乖出母不可  
迎之義鄧伯道之棄子卒乃至於無嗣朱子於二人  
者奚取焉祇以不絕兄弟之後盡誠求母之一節歟  
彼二人者事如欲責備當如何先生曰鄧攸事朱子  
何嘗濫取也與劉子澄書有欲刪去小學而今載在  
者未可知其棄子之事全不合倫理雖曰天道無知  
實天道有知也父子叔姪相隨不捨死生與同已矣  
焉有如許敗倫之事且以壽昌事言之出母不可入  
廟則以子無絕母之義雖或迎奉亦當營置別室用  
極便養之道此有陶菴說可遵也大抵小學多只取



其長處而不屑屑於人品本末故於王祥取至孝於李勣取友愛如此者不一

二十八日贊奎問嶺俗祭墓用寒食及十月而已酉國恤因山在十月故私家皆停祭竊念追遠之誠只有此祭而仍停則情理鉅然欲追行於仲冬如何孔子曰過時不祭禮也然則追行一節亦似未安先生手書答曰曾子問過時不祭疏曰春時有故不得祭至夏乃行夏祭不復追補春祭此以四時正祭而言也至若歲一祭墓者若值國恤不克行於十月則當行於十一月有故則亦可行於十二月也據禮註

春祭過春不祭仲月有故季月亦可也穀梁傳正月  
至三月郊之時也是爲季月亦祭之證也○問有先  
塋上下墳世代已邈莫分考妣位次墓祀時設饌獻  
酌亦難先後故同時并設而行拜禮於下墓外階如  
何先生又手書答曰內外位之上下墳而不辨其尊  
卑者塋域差遠則當設二分饌而各祭若堂斧相接  
則只設一分饌而并祭考妣行拜禮於下位恐亵  
二十九日昧爽明燭侍坐誦胡澹菴之上高宗封事  
○夕侍坐先生語及少時事曰嘗覲往任實縣縣是  
柿鄉柿果所業嗜者無時不喫一日村間狀報有摘



柿墜木而死者其婦亦號絕而死余常哀其死而違其節在任實終歲不忍喫柿

十一月一日即冬至也未明明燭侍坐先生咏邵子冬至吟○先生誦孟子守孰為大守身為大章且曰余年十六七便志于學世門守靜六十餘年自謂不枉一步是則庶無媿古人

二日有一儒生言金秋史

正喜

謫北青時多士分集

受經學書法而大名與考亭說多異先生不答顧語

他事

○歸期在邇而先生作詩為別

徐景襄盛道瑟山梅溪泉石之

勝昔我南遊搜盡達丘羣昧而獨此一區區耐流想賦詩以贈

麟袍繫無因解虛負名區八十年○五老峯臨三疊泉  
晦翁要借畫圖傳神妙處忘形色認取峩洋自在  
絃○受贈雙絕昔我趨庭到達丘居然五十七年秋  
桐鄉物色應依舊安得携君賦遠遊○黃花謝盡殿  
寒梅梅未開時人已迴願君會得環中意潛養微陽七  
日來時值冬至故云辛亥陽復之翌梅山八耄翁未  
稿贊奎謹次呈

三日昧爽侍坐先生曰景襄乎吾於枕上得句云我  
耳欲全龍耳猶聽遠鷄聲遊仙夜夜夢不得到蓬瀛君  
其和之贊奎起坐卽對云舜跡未分全天鷄忽有聲  
百年徒鼎鼎何處是蓬瀛蓋晉况也先生再咏稱善  
五日侍坐有一士來謁問喪人入廟及叅忌祭時變  
服否先生曰服直領喪中出著平涼子又問時往省



墓持去衰服上墓時服而拜哭如何先生曰得之○  
夕與諸生侍坐先生曰君明日將歸臨別盍一講誦  
仍設講先生誦易傳序贊奎講求放心齋銘嚴星葵  
金萬壽田譜○是日先生有書贈仍詔曰吾曾勉子  
淳同侍參講之學名子之室今又申勉以贈行君其自力不負發  
願之初心也

徐君贊奎景襄自達丘之南越嶺嶠涉江漢而款  
扉者三今歲菊月又鼓篋而請教值余患風痺幾  
沒省識因副其至意願申前者所勉上帝臨汝毋  
貳爾心之義累舉累襄哲成訓而復之曰大明章義

管武王之受故舉上帝而云爾也聖哲所交曰者  
必以畏天敬天爲第一義諦尋常言語罔不稱天  
朝夕只見天長在眼前以至動靜云爲常若有赫  
然而臨者非僻之心自不敢萌敬畏之念自不敢  
怠書所謂顧諟天之明命詩所云無曰高高在上  
天惟顯思又云昊天曰明及爾出王昊天曰朝及  
爾遊衍卽此意也河南老子且云有天德始可語  
王道其要只在慎獨慎獨者乃敬畏上天也人間  
私語天聽如雷暗室欺心神目如電斯語雖似俗  
諺實理然爾人在天中爲至虛天在人中爲至靈



故視聽思慮言動莫非天之靈也從義理之心發則爲真從物欲之心發則爲妄人要識得必精察之也察其真妄乃所以慎獨故曰萬惡咸從不慎獨生遜志方公嘗述慎獨銘曰恒人爲善微利務名謹於昭昭肆於冥冥衆不察恣意所向人欲橫奔天理淪喪君子懲之慎於至微非虞人覺而惡已知一念之萌必存乎正片言之發必主乎敬勿以暗室忽而不欽易欺者人難欺者心勿謂細行放而勿貳細行不修大德將敗惟聖之明不見是圖矧茲士子不敬何爲於赫天君宰爾百體率

以從之勿越乎禮禮爲敬本敬乃德基本立基宏  
奚施不宜齋居有嚴學者孔秩鑒茲勿忘聖謨如  
日是爲慎獨之節度人鬼闕頭也沒身誦法未收  
一原之功已所不能爲景襄願之於是焉得力則  
心與理一而與天地參是所謂無不敬可以對越  
上帝也常若上帝責我以不可道之義而趨承明  
命惟恐或後纔忽上臨卽至下墜其所以兢惕者  
宜何如耶景襄乎其欽念哉重光大淵猷復之五  
日梅山八耄翁力疾書

六日是日臨竹先生與鰲谷文皆有贈詩

景襄臨發有詩以疾



和贈其行殘年巨耐別離心江漢澹受較淺淡汀柳  
沙鷗應不變更勞巾履好相尋梅翁未成稿次景  
襄臨別韻以贈其行馬人之相識貴知心然後方言  
友道凌嗟我丁寧來日約到源頭處會相尋辛亥復  
月上軒齋谷先  
病友未成稿贊奎與諸益叙別而各有詩○先生嘗

曰吾不工於詩惟意是適不拘律格蓋先生之詩不  
好新奇不尚藻華平淡高古自臻天律○先生每取  
人之善若已有之雖言語文字人若有言固不虛受  
上自六經下至瀛洛羣書暨我東儒賢諸說往往如  
誦已言爛用名理而未嘗以是自多亦未嘗硬主已  
見以低昂之○十月廿四日 上之遣史官 傳諭  
也先生將附奏奏中有念國勢之岌岌憫民憂之瀕

洞閻字是贊奎所仰稟而先生欣然用之又後日贈贊奎詩桐鄉物色應依舊安得携君賦遠遊賦字卽夏字之改措者而亦贊奎之所稟也先生每事虛受不少靳有如此蓋其胸襟洞豁靡所滯吝有物各付物底意於此數者亦可見也○嘗侍坐看書贊奎看一板未半先生已移舉他章○先生燕居常著程子冠○先生嘗授贊奎以澹菴疏出師表等文令日夕誦之每一誦先生輒喟然有悲憤之意○先生於門人賓客之來留者每日早朝買豆粥各一器以饋之蓋一生行之未嘗或忘○贊奎常陪話於先生或未



及退而會上則先生留之座而分與之饌曰與我分  
味何欠之有又於凌晨或氣寒使買來酒羹之血菜  
雜湯者分器以與之先生仍飲喫甚味之曰此澹泊  
最好

壬子正月二十五日作鷺湖之行

二月九日至鷺湖拜先生閣間藏梅去冬歸時見花  
作矣今來已結子滿枝贊奎起賞曰餘查薰龍衣若  
歡迎先生笑曰詩不云乎標有梅其實七兮求我庶  
士迨其吉兮其今日之謂歟○夕與諸生侍坐先生  
曰盡各言其志諸生皆以次對贊奎曰忠信篤行百

世真儒有志未就抱經攷攷先生書示唐楮軸曰和

順於道德而理於義窮理盡性以至於命

諸生言志不盡記

十日與洪注書一衡諸益登高望舟橋徜徉而歸有

詩○侍坐先生曰人之資稟溫謹者可與爲學而若無指引以入道則終身無所成又或不知道學之爲甚麼物事豈不可惜使得師友之益如引路點火則所就豈可量哉○又曰指引者師之功也行不至而規箴者朋友之責也勇往直前不得不措專用已力難仰他人斯有古人名論

十一日侍坐語間先生曰吾東士大夫閨門之規甚



嚴視古法無愧真禮義之邦挽近大防漸壞逞逞有不忍言者其弊也由於女子之不教蓋雖女子必須教以文字俾知經禮遺訓今俗不然只以諺俚之荒謠不經惹起許多病弊世之人固不悟也

十九日畱泮抄得老洲吳文元公雜識一冊

廿二日往拜先生閔進士士善

應鎬先生女壻

氏亦侍坐語

及鰲谷文政治先生曰大抵可異焉吾非不知渠材而實有所難測者居是邑也付何德政得此孚感於民移始興日果民遮路涕洟如失哺赤子渠果有善政於民歟吾平日許渠慤實而已今不圖其如此循

良也

後日贊奎過果川聞境之內七方皆有去思碑云

○日晚入泮

廿五日

上幸水原

陵所

御路梁之龍驤鳳翥

亭存問先生先生病不克入侍以蹕路孔邇不

敢偃處私室肩輿出路左祗迎

廿七日

大駕還宮是日贊奎進拜先生入泮

三月二日往拜先生先生謂曰學者之基本在於心地本源而制行次之經術次之文辭次之○又曰學者舉以家間細務不能擺脫為病然須不知他都是道理中事若觸處接應毫忽不差即此便是道何患俗務之不脫也○又曰用事莫非工夫且人事不教



人做更教甚做○日晚入泮

六日是日出鷺湖風浪不能渡還入泮

七日往拜先生氣候靡寧

八日夕侍坐先生曰學者立志不篤則不耐流俗嘲  
譏易於和光同塵此不足與有爲陶菴曰流俗之害  
甚於異端大抵爲學之害流俗爲甚故孔子曰鄉愿  
德之賊孟子亦引孔子之語而極論之學者所當深  
戒也○又曰流俗之害吾道有如轂下之有莠戎

九日朝侍坐有關北人來謁及辭歸先生謂曰未知  
君好書否乎而無文無以長心知亦無以成人歸讀

小學論語其人曰幼而失學昧於文字先生曰若不識字諺翻讀之亦好昔有行之者任保陶菴門人是已時人稱以任小學其子孫三世誦小學云○先生曰學者之於師友親炙而有得於感發者最有益或於聖賢經訓雖讀誦甚勤常認以陳談死法蓋聖賢言語孰不活特學者看不活耳凡看古訓必先得其旨意所在而如親面承如親觀感方可有進步處

十日與洪福卿一清

洪注書一衡登東山射亭各發

數矢因逶迤僧舍至後峯逢村翁善唱者聽長歌數闋返悅樂齋數日埋頭檢書之餘足以暢叙○夕侍



歐陽文忠公集卷之六

坐先生曰天地萬物隨吾所見皆有自得之趣此由  
心明理徹物我無間耳

十一日與洪福卿洪注書洪得老最秀李士蘊鎮玉

崔大為義發欲作尋芳之遊告於先生先生曰冠者

五六人風咏而歸正其辰也余病甚此樂不得老以

共之諸生因退出自黎湖介石亭故相李時至華藏

寺竟日逍遙而各有詩歸謁先生先生坐椅子在中

堂賞花見諸生謂曰陶菴詩云天地之心一箇仁發

為大千界中春諸君識得此意否即此胸中便有四

時春諸生進所吟詩先生有次韻聞說春容色碧山  
紅花隱約白雲間

諸君自有沂雩趣。遲日微吟。緩節還。○樓外清江。外沙。沙堤。烟柳。靜風花。欲收春色。歸肝肺。病榻真襟。和自太。○先生曰。近世學問之士。開口便說性理。然苟

求其實地上踐履。蓋鮮其人焉。是皆專尚口耳。無反躬體認之實。以致然耳。其甚者。又入主出奴。尚氣務勝。以至門戶分裂。戈戟相尋。是爲吾黨之羞。恥。互諸君之戒之也。○又曰。立志當以聖人爲準。則然後自無墮落於流俗坑坎。若安於小成。終於無成矣。

十二日先生曰。學者須要就實事上。究實理。若高談性命。求道於日用彝倫之外者。適所以啓後世學問之弊也。○又曰。欲上達。須先從下學處做去。若不通



下學討上達不得

十三日與洪福卿八類同留宿

十九日與族兄秉坤發程出鷺湖

二十日族兄以新榜生負來謁先生期勉殷款○是

日將告歸上二首詩於先生先生次韻以贈千里神交作此

隣何須晨夕對冠巾平生慣識山陽路清夜遊魂入夢頻○龍蛇幽蟄自存身桂樹南山夏可人王洞梅

花應不老欲隨雲鶴去尋春○坡前顛贈景襄樓遲晚計倚冠山門掩千峯萬壑問解借洞天春色晚碧

桃花下送君還○午後拜辭於先生先生以燕茶靈梳等物

贈之曰茶是洗心之劑梳是去垢之具用表我別離

情緒余年病俱就只是朝暮人復見詎易期乎學問

枉自勉非專靠師友勗哉先生優愀然不忍捨贊奎  
不勝悵缺未能偃起容竢少頃而退○嘗見先生用  
紙雖蠹餘塵牘必聯附作幅用資草紙未有寸楮之  
遺筆則退穎盈箱一毫靡全而猶與甲俱存無或遺  
棄○先生衣冠整潔而亦甚樸素每食有肉而不至  
重味

壬子六月十日先生所居室

蘆猗精舍

大樑振鳴聲徹几

席侍坐諸生皆動色

十三日屋樑又鳴

二十四日先生始絕筆曆書日記



二十七日先生始患暑泄彌日不復仍作痢泄連服  
三白湯及參附各一兩重而終不少勝

七月十一日先生證候添就服藥百方皆不見效○  
鰲谷丈憂惶焦迫拈得王字準于謝石解字設其文  
有汪洋其波黃生何去灑落荷珠朱子已隱玉色金  
聲終秘影響音之語

十四日先生親自執脉曰脉已絕所不絕者喉下一  
縷安復有陽氣之望自是先生神精無減而語言訥  
澁每朝士來問只答曰尊體何如○先生於枕上頻  
作微語語及南警特有英陽告以宗國之憂生民

之患有如作讖語者然

十七日閔慶鎬趙龍熙來謁先生謂龍熙肅齋曰歸

語君叔父彌勉德業毋負我期望之意相距間闊恨

不能相對也問慶鎬嶺南賊就捕否乎○先生命侍

者整頓房室鋪置床席曰曾有潔簣之入內者出來

也呼諸弟姪之侍傍者語與修身處世之道顧胤子

誦歿壽不貳修身以竢八字而丁寧教戒又命諸賢

遺蹟之借翫者一一收拾還送孀婦女不許請見至

酉時易簣嗚呼痛哉訃車登聞上震悼傳曰即

之長逝曷勝愴盡此儒臣以先朝泣茹之人逮予



臣福劄錄

卷八

期欲一致經席獲觀典型今身已矣卒洪祭酒家吊祭處築之節令該曹照例舉行造墓擔持軍亦令本道題給○木綿三十五疋布子三十五疋米二十五石太十石石灰一百五十石撤朝市三

日○先生喪門人加麻心喪者百餘人

二十日贊奎是夜夢在鷺湖侍話先生

八月五日贊奎聞先生訃為位而哭

時嶺外各處所去訃書付于營

門而未及赴傳云

八日吊服加麻為位而哭

二十五日癸卯太學儒生為文致祭○是日贊奎發

奔哭之行

九月一日戊申

上遣禮官致吊祭

維云云國王遣臣禮曹正郎

具行益論祭于卒大司憲洪直弼之靈  
列聖崇道  
鴻儒世作潭華眞正農淵精詩迄于漢近津筏後先  
卿得其傳問氣百年洪河之量喬嶽之儀臯鵠早聞  
正廟日咨遵晦彌堅倪焉孜孜博約互進明健爲質  
心衡今古詞華黼黻紹述微言提絜宏綱措斧至重  
碩著崇梁一登禹筵旋賦遂初若顏巷處如邵洛  
居誰與同德有吳文元樂在育英襟佩門春秋尊  
養形氣神理發爲宗旨可寧舉似王蘊輝溢晚應旌  
招志介于石匪潔身逃接遲郊垌麟數觀梧行殿帷  
對滾滾訃謨敬天法祖克已裕民憲考嘉乃利見  
大人建予嗣服冀或來賁十行綸綍屢宣郵置我暑  
我龜有叩斯應弘博條鬯羣疑喚醒八座隆袂三達  
具備執爵乞言輝烱恬寐天胡不憖凶音遽徹蕙帳  
風淒瑤琴絃絕絕邦國疹痒士林銜痛側席之餘震悼  
予衷忤官致脩用寓尊賢靈如不昧款此僑籩○製  
述官朴文鉉祭文入啓啓下禮曹捧甘于安山龍仁  
慶安重林等四邑初一日早朝該四邑待令于密家  
司儀以淺淡服入廬次引主人序立于庭去杖免經  
止哭祇迎齋郎祝史設饌後各奉香爐香盒獻官炷



香連斟三酌司儀引主人上堂伏於獻官之後大祝  
南面立主人之左讀祭文訖授饌出禮官復入廬次  
南面立司儀引主人伏于堂下北面禮官曰有旨  
吊○獻官禮郎具行益齋郎慶安察訪李鍾灝大祝  
安山俸李學愚祝史龍仁俸李源一司儀重林察訪金明洪  
○是日贊奎過延豐  
安保訪韓道裕此友始於近日承訃矣且聞慶州韓  
立軒運聖將以問候之行去月旬一過此云蓋亦未  
及聞訃也

三日宿陽智別彌店夜夢在鷺湖先生將駕外而鰲  
谷丈與諸人亦侍傍檢裝少選先生立於廳事命贊  
奎進杖屨有杖二箇在廳西中棟下一則屈茁如藤  
一則直秀如竿

進仍愕然驚寢推窓視之但有淡霧籠山星河皎潔  
掩涕長喟旋復就寢

四日早發至直洞道逢金楨臯此友始因余而聞訃  
卽於路次泄哀偕行至龍仁邑似聞襄期在迫而未  
承的奇

五日晚抵鷺湖已於三日庚戌夜四更發軔而葬所

在廣州實村面九壽洞以六日癸丑襄奉坐壬之原

後緬襄于竹山巖木亭壬午又緬襄于始興鳥鳴乎

峯戊子四月十九日緬襄于丹陽梅浦

坐原

千里奔哭爲執紼臨壙而今距廣陵百許里進將何  
及焉獨彷徨廬次自不覺聲淚俱發是夜宿蘆漪精



舍函丈之間惟有素帶荒涼罄歎如掃追思前日陪侍之樂當時不知爲難再事今不可得矣腔曲頻頻竟夜寢不能成○是日夕肅齋趙丈操文於葬所

六日癸丑巳時

下棺

望哭於廬次

七日往西冰庫津迎哭而返虞

八日乙卯鷄鳴行再虞

九日丙辰鷄鳴行三虞

十一日戊午鷄鳴行祔祭於廟

門人於廟外迎送

○先生喪

葬儀節參用喪禮備要四禮便覽家禮集攷

十五日壬戌贊全操文致奠

十六日發先生墓所之行鰲谷丈將以埋魂帛先行而贊奎與金箕澧同往是日宿南漢山城下店

十七日抵九壽洞日已曛鰲谷丈具祭服贊奎與金箕澧具吊服加麻共上墓拜哭埋帛後下宿山直家十八日共上墓拜哭鰲谷丈以凜然難支哭不成聲而伏於墳側轉輾哀號之狀令在傍者嗚咽不定情發還到蝦蛄逢韓立軒與金楨臯蓋將還鄉而取路九壽洞矣於路上相把悵然而別行至魚求曲店留宿而鰲谷丈即抵鷺湖

十九日早抵鷺湖自後門人之有事故者稍稍治任



舍函丈之間惟有素帶荒涼罄歎如掃追思前日陪侍之樂當時不知爲難再事今不可得矣腔曲頻頻竟夜寢不能成○是日夕肅齋趙丈操文於葬所

六日癸丑巳時

下櫛望哭於廬次

七日往西冰庫津迎哭而返虞

八日乙卯鷄鳴行再虞

九日丙辰鷄鳴行三虞

十一日戊午鷄鳴行祔祭於廟

門人於廟外迎送

○先生喪

葬儀節叅用喪禮備要四禮便覽家禮集攷

十五日壬戌贊奎操文致奠

十六日發先生墓所之行鰲谷丈將以埋魂帛先行而贊奎與金箕澧同往是日宿南漢山城下店

十七日抵九壽洞日已曛鰲谷丈具祭服贊奎與金箕澧具吊服加麻共上墓拜哭埋帛後下宿山直家十八日共上墓拜哭鰲谷丈以凜然難支哭不成聲而伏於墳側轉輾哀號之狀令在傍者嗚咽不定情發還到蝦蜺逢韓立軒與金楨臯蓋將還鄉而取路九壽洞矣於路上相把悵然而別行至魚求曲店留宿而鰲谷丈即抵鷺湖

十九日早抵鷺湖自後門人之有事故者稍稍治任



而歸遠外承訃音者日日有來哭

廿日八泮齋

廿四日氣困假寐忽昏昏中在蘆漪精舍先生自外返鰲谷文及諸服人皆向霸座哭先生出坐室外曰終是山所明氣不足似指始興山所而言也且命取周紙一軸來贊奎始進前納拜先生手整淵明巾曰子來乎好來乎因覺之夢也

十月一日戊寅出鷺湖叅朔奠日晚八泮

十二日出鷺湖風濤大作不得渡宿旅店

十三日早朝渡江留蘆漪精舍

十五日祭聖奠李素山應辰亦來會是日晚將還鄉  
入哭於几筵出與鰲谷丈拜辭涕淚相看悒悒不定  
情鰲谷丈以真玄一笏橘餅三團與之曰此吾家親  
貯藏而日用者爲寄此懷也贊奎亦悲咽盈懷因措  
一辭而退鰲谷丈因入哭几筵哀痛因極

癸丑六月三十日與韓立軒運聖安善膺

永集

嚴星

茂俞壁柱李公皎金玉重趙聖權同發鷺湖行蓋諸  
人曾有同行之約而來矣

七月十三日抵鷺湖入哭於先生几筵慟懷彌不堪  
矣



十五日叅月半奠又操文致奠是日肅齋趙丈全齋  
任丈姜文靜能氏鎮皆來到

十七日鷄鳴行先生練祀日晚門下諸人皆別去而  
任丈姜丈是日亦歸

十九日肅齋趙丈歸是日與韓立軒入京

二十日出鷺湖

二十三日韓立軒諸行將歸余與洪福卿一清金樺

章平默及立軒同舟至銅雀津送別諸人福卿樺章

舟下鷺湖余八泮

二十六日早出鷺湖

二十七日將發還鄉八哭先生几筵告別鰲谷丈  
八月一日自泮發還

甲寅夏鰲谷公撰家狀

七月十七日甲寅先生終祥日也鷄鳴爲位而哭  
乙卯五月十二日與韓立軒朴君養頤休會鷺湖共  
編次先生遺集

十三日了編墓誌五冊

十五日了編墓碣三冊碑文三篇墓表一篇

二十五日歸路爲文哭先生墓

丙辰价川儒生并享先生於景賢祠



辛酉冬鼓山任公撰年譜

癸亥十一月

賜謚文敬

道德博問曰文  
風夜徹戒曰敬

乙丑夏有嗣孫錄用之

命

左相金炳  
學進奏

丙寅夏文集二十八冊印行

梅山老先生講道鷺湖達城徐上舍贊奎景襄負

笈于門下蓋晚年也未幾先生下世余與景襄偃

偃焉靡盬依歸而景襄錄其供灑掃之暇所問答

者爲一篇間附以從師後三官所記甚悉袖以

示余凡老先生平日議論皆在其中昔鄭守夢所

編近思錄釋疑多載沙溪先生說則尤翕序之曰

恍若復承警咳於函丈之間而竊不勝羹牆江漢之思也余於此錄亦云爾第恨不能細校而還之也痛梁木之已壞懼餘韻之終泯每閱遺集徒切傷歎今又不覺有感於遺訓遂書于卷末以期相與不忘先生之至意焉景襄乎念斯欽斯

崇禎二百卅四年重光作噩孟夏小滿日梅山門人趙秉真謹書

語錄蓋難矣程叔子曰某在何必讀此豈不以學者未知心傳之要而滯于言語之間或者失之毫釐則其謬將有不可勝言乎同門友徐贊奎景襄



師事吾梅山老先生如七十子之服孔子者手錄  
升堂見聞其於容色言動靡所不備斯編也雖不  
敢謂盡先生久大之德業亦不可謂滯於言語不  
得其心猶可爲學先生之航筏階梯也後有輯先  
生言行如程氏遺書之爲者其以取爲精善見錄  
也無疑此不惟可以知吾先生亦可以知景襄矣  
先生歿後十一年景襄持以見示要出一語述其  
事不勝悲感書此于下方而歸之

壬戌十一月同門人西河任憲晦書

臨齋先生文集卷之九





